

Tačka 8. Aktivnosti državne Agencije za rad i zapošljavanje BiH na pitanjima uvoza strane radne snage i rada bh državljana izvan BiH

Informacija - Agencija za rad i zapošljavanje BiH

Agencija za rad i zapošljavanje Bosne i Hercegovine je **osnovana 2003. godine**, kao **samostalna upravna organizacija** u okviru institucija Bosne i Hercegovine, a njene nadležnosti su regulisane članom 6. Zakona o Agenciji za rad i zapošljavanje Bosne i Hercegovine.

Agencija je nadležna da:

- u oblasti zapošljavanja iz svoje nadležnosti predstavlja Agenciju, saraduje s nadležnim agencijama, institucijama i međunarodnim organizacijama u tim oblastima;
- u koordinaciji sa Ministarstvom civilnih poslova Bosne i Hercegovine (u daljem tekstu: resorno ministarstvo BiH) izvršava preuzete međunarodne obaveze iz oblasti zapošljavanja, a saradujući sa nadležnim entitetskim zavodima za zapošljavanje i Zavodom za zapošljavanje Brčko Distrikta BiH;
- prati primjenu međunarodnih standarda i politika u oblasti zapošljavanja i u saradnji sa entitetskim zavodima za zapošljavanje i Zavodom za zapošljavanje Brčko Distrikta BiH učestvuje u njihovoj implementaciji;
- inicira zaključivanje međunarodnih ugovora u oblasti zapošljavanja i učestvuje u vođenju pregovora za zaključivanje međunarodnih ugovora u oblasti socijalnog osiguranja za dio nezaposlenosti i prati njihovo provođenje u saradnji sa zavodima za zapošljavanje entiteta i Brčko Distrikta BiH;
- koordinira aktivnosti u domaćim i međunarodnim projektima u oblasti zapošljavanja koji su od interesa za Bosnu i Hercegovinu i saraduje sa entitetskim zavodima za zapošljavanje i Zavodom za zapošljavanje Brčko Distrikta BiH u realizaciji istih;
- prikuplja inostrane i domaće zahtjeve i informacije o ponudi i potražnji domaće i strane radne snage i u saradnji sa entitetskim zavodima za zapošljavanje i Zavodom za zapošljavanje Brčko Distrikta BiH realizuje iste u granicama svojih nadležnosti i mogućnosti tržišta rada u Bosni i Hercegovini;
- prati, analizira i istražuje privredna, društvena i druga kretanja, stanje zaposlenosti i nezaposlenosti, te njihove međusobne uticaje u saradnji sa entitetskim zavodima za zapošljavanje i Zavodom za zapošljavanje Brčko Distrikta BiH, na osnovu čega predlažu potrebne mjere i aktivnosti na unapređivanju zapošljavanja;
- inicira potrebne aktivnosti kod entitetskih zavoda za zapošljavanje i Zavoda za zapošljavanje Brčko Distrikta BiH da se zajednički i u saradnji sa poslodavcima, sindikatima, obrazovnim ustanovama i drugim udruženjima organizuju i provode

programi profesionalnog usmjerenja i obrazovanja u cilju većeg zapošljavanja i drugih oblika aktivne politike zapošljavanja;

- koordinira u zapošljavanju bosanskohercegovačkih građana u inostranstvu u granicama svojih zakonskih nadležnosti i u saradnji sa entitetskim zavodima za zapošljavanje i zavodom za zapošljavanje Brčko Distrikta BiH;
- vrši potrebne analize i sastavlja izvještaje i dokumente iz oblasti zapošljavanja, sačinjava nacрте, prijedloge i radne materijale dokumenata koje usvajaju i donose organi vlasti Bosne i Hercegovine po iskazanim zahtjevima Vijeća ministara Bosne i Hercegovine i resornog ministarstva, po potrebi uz saradnju sa entitetskim zavodima i Zavodom za zapošljavanje Brčko Distrikta BiH;
- predlaže Vijeću ministara dugoročni, srednjoročni i godišnji plan o smjernicama politika tržišta rada i aktivnim mjerama zapošljavanja u Bosni i Hercegovini zajedno sa entitetskim zavodima za zapošljavanje i Zavodom za zapošljavanje Brčko Distrikta BiH, a putem resornog ministarstva BiH;
- u saradnji sa entitetskim zavodima za zapošljavanje i Zavodom za zapošljavanje Brčko Distrikta BiH daje resornom ministarstvu BiH mišljenje i prijedloge za zapošljavanje stranaca (kvote);
- u saradnji s entitetskim zavodima za zapošljavanje i Zavodom za zapošljavanje Brčko Distrikta BiH, osigurava neophodne podatke u oblasti nezaposlenosti, posebno onih koji se odnose na izvršavanje međunarodnih obaveza;
- dostavlja svoje redovne godišnje izvještaje o radu i godišnje programe rada Vijeću ministara BiH,
- provodi obuku i osposobljavanje svog kadra kako bi se odgovorilo zahtjevima i izazovima međunarodnih obaveza i integracijskih procesa, te inicira isto kod entitetskih zavoda za zapošljavanje i Zavoda za zapošljavanje Brčko Distrikta“.

U realizaciji ovih aktivnosti, ARZ BiH saraduje sa: resornim Ministarstvom civilnih poslova BiH; entitetskim zavodima za zapošljavanje i Zavodom za zapošljavanje Brčko distrikta BiH; nadležnim entitetskim resornim ministarstvima; udruženjima poslodavaca i sindikata na nivou BiH, entiteta i Brčko distrikta BiH; zavodima za zapošljavanje drugih zemalja (Hrvatska, Srbija, Slovenija, Makedonija, Crna Gora, Turska, Mađarska, Njemačka, Austrija); Delegacijom EU u BiH; Organizacijom za ekonomsku saradnju (OECD); Svjetskom asocijacijom javnih službi za zapošljavanje (WAPES); Centrom javnih službi za zapošljavanje zemalja jugoistočne Evrope – CPESSEC; Međunarodna organizacijom rada (MOR), Međunarodnom organizacijom za migracije (IOM), Evropskom trening fondacijom (ETF) i dr. Pored navedenih, ARZ BiH saraduje po potrebi i sa institucijama na svim nivoima vlasti u BiH, uključujući i Brčko distrikt BiH, nadležna entitetska ministarstva, kantone, opštine, privredna udruženja i drugim asocijacijama.

Agencija za rad i zapošljavanje ima potpisane sljedeće sporazume:

- Slovenija – Sporazum između Vijeća ministara Bosne i Hercegovine i Vlade Republike Slovenije o zapošljavanju državljana Bosne i Hercegovine u Republici Sloveniji.
- Srbija – Sporazum između Vijeća ministara Bosne i Hercegovine Vlade Republike Srbije o privremenom zapošljavanju državljana Bosne i Hercegovine u Republici Srbiji i državljana Republike Srbije u Bosni i Hercegovini
- Katar – Sporazum između Vijeća ministara Bosne i Hercegovine i Vlade Države Katar o reguliranju zapošljavanja državljana Bosne i Hercegovine u Državi Katar
- Njemačka – Dogovor o posredovanju u zapošljavanju radnika Bosne i Hercegovine u Saveznoj Republici Njemačkoj na određeno vrijeme

Agencija za rad i zapošljavanje BiH prema dostupnim informacijama nema podatke da li je inicirala ili zaključila bilateralne sporazume o zapošljavanju sa Indijom, Bangladešom ili Pakistanom.

Posredovanje u zapošljavanju državljana Bosne i Hercegovine u inostranstvu

2025. godina

U 2025. godini posredstvom Agencije za rad i zapošljavanje BiH zaposleno je 12.106 državljana BiH u Sloveniji i Njemačkoj, od čega čak 96,8% u Sloveniji.

Period	Slovenija	Njemačka	Ukupno
2025.	11.713	393	12.106

Za Srbiju ne postoje dostupni podaci o broju zaposlenih državljana BiH u Srbiji.

2026. godina

Do kraja marta 2026. godine izdate su **2.684 radne dozvole za rad u Sloveniji**, dok ih je prestalo važiti **489**.

Do kraja aprila 2026. godine izdato je **10** radnih dozvola za rad u Njemačkoj.

Radno angažovanje stranih državljana u Bosni i Hercegovini

2025. godina

U BiH je izdato ukupno 6.702 važeće radne dozvole stranim državljanima.

Najviše radnih dozvola je izdato državljanima: Indije (933), Nepala (831), Turske (784), Srbije (663), Bangladeša (639) i Kine (461)

Na nivou Bosne i Hercegovine najviše radnih dozvola je izdato u šest djelatnosti: građevinarstvo (1.672), prerađivačka industrija (1.170), ostale uslužne djelatnosti (697), trgovina (675), hotelijerstvo i ugostiteljstvo (588), te umjetnost, zabava, rekreacija (585).

AKTIVNOSTI AGENCIJE ZA RAD I ZAPOŠLJAVANJE BIH (Zadržavanje domaće radne snage)

Agencija za rad i zapošljavanje Bosne i Hercegovine, u saradnji s Ministarstvom civilnih poslova BiH i uz podršku Evropske unije, organizira konferenciju u Sarajevu posvećenu jačanju veza između obrazovanja i tržišta rada, kao jednom od ključnih preduslova za zadržavanje domaće radne snage.

Konferencija je usmjerena na unapređenje sistema karijernog vođenja i savjetovanja te na smanjenje nesklada između obrazovnih ishoda i potreba tržišta rada, što se prepoznaje kao jedan od glavnih razloga odlaska mladih i kvalifikovane radne snage iz BiH. Kroz stručna izlaganja, panel diskusije i radionice, okupljaju se predstavnici institucija, obrazovnog sektora, službi za zapošljavanje, nevladinih organizacija i međunarodnih partnera kako bi zajednički razmotrili modele unapređenja zapošljivosti i lakšeg prelaska mladih iz obrazovanja u svijet rada.

Poseban fokus stavlja se na promociju i primjenu evropskih alata Euroguidance i Europass, te na jačanje multisektorske saradnje u cilju modernizacije karijernog savjetovanja u BiH.

Očekivani rezultat je unapređenje politika i praksi koje doprinose boljem usklađivanju obrazovanja i tržišta rada, većoj zapošljivosti mladih i, u konačnici, smanjenju odlaska radno sposobnog stanovništva iz Bosne i Hercegovine.

Konferencija će biti održana 2. juna 2026. godine u hotelu Bosmal Arjaan by Rotana u Sarajevu.

PRIORITET AGENCIJE ZA RAD I ZAPOŠLJAVANJE U BIH (period 2027 – 2029.)

Prioritet Agencije za rad i zapošljavanje Bosne i Hercegovine (ARZ BiH) u **periodu 2027–2029. godina** jeste unapređenje politika iz oblasti socijalne zaštite, rada i zapošljavanja u Bosni i Hercegovini. Ovaj prioritet će se realizovati kroz programski aktivnost/projekat:

„Zapošljavanje i socijalna sigurnost radnika iz Bosne i Hercegovine u drugim zemljama i administrativna funkcija za realizaciju pravnih i finansijskih aktivnosti“ (0528510).

U okviru navedene programske aktivnosti obuhvataju se sljedeći ključni segmenti:

- posredovanje u zapošljavanju radnika iz Bosne i Hercegovine u inostranstvu, na osnovu međunarodnih sporazuma koje Bosna i Hercegovina ima zaključene sa drugim državama u oblasti zapošljavanja;
- ostvarivanje prava na socijalnu sigurnost radnika po osnovu nezaposlenosti, u skladu sa međunarodnim sporazumima koje Bosna i Hercegovina ima zaključene sa drugim državama u oblasti socijalnog osiguranja;
- provođenje administrativnih, pravnih i finansijskih aktivnosti neophodnih za realizaciju međunarodnih obaveza i funkcionisanje sistema.

Projekat „Zapošljavanje i socijalna sigurnost radnika iz Bosne i Hercegovine u drugim zemljama i administrativna funkcija za realizaciju pravnih i finansijskih aktivnosti“ podrazumijeva kontinuirano izvršavanje obaveza iz međunarodnih sporazuma u oblasti zapošljavanja i socijalne sigurnosti radnika koje Bosna i Hercegovina ima sa drugim državama, kao i koordinaciju aktivnosti u oblasti zapošljavanja u saradnji sa entitetskim zavodima za zapošljavanje i Zavodom za zapošljavanje Brčko distrikta Bosne i Hercegovine.

Udruženje poslodavaca u FBiH

Udruženje poslodavaca u FBiH uglavnom saraduje sa Agencijom za rad i zapošljavanje kroz radne grupe formirane za rad i zapošljavanje stranaca.

Međutim, u tom kontekstu, brojne reakcije izazivaju informacije prema kojima Agencija za rad i zapošljavanje Bosne i Hercegovine značajan dio svojih aktivnosti usmjerava na posredovanje pri zapošljavanju stranih radnika.

Udruženje poslodavaca FBiH smatra da prioritet svih nadležnih institucija mora biti stvaranje uslova za veće zapošljavanje domaće radne snage, uz istovremeno odgovaranje na potrebe privrede za radnom snagom.